

Iluarsiissut
Saqqummiussaq 16. august 2017-meersoq taarserlugu

Uunga siunnersuut: Isumaginnittoqarfiup aquneqarnera aaqqissuussaaneralu pillugit Inatsisartut peqqussutaat nr. 11, 12. november 2001-imeersup allanngortinneqarnera pillugu Inatsisartut inatsisaat nr. xx af xx. xxx 2017-imeersoq

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Saqqummiussissut

(Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoq)

Siullermeerneqarnera

Assut nuannaarutigalugu Naalakkersuisut aalajangiiffigisassatut siunnersuut manna Isumaginnittoqarfiup aquneqarnera aaqqissuussaaneralu pillugit Inatsisartut peqqussutaata allanngortinneqarnissaanut tunngasoq saqqummiuppaat.

Taamatut siunnersuuteqarnikkut Inunnik Isumaginninnermi Naammagittaalliuuteqartarfik allanngortiterinertigut pitsanngorsaanertigullu nutarteriffigineqassaaq. Siunnersuutikkut pingaarnerusutigut isigalugu siunertaavoq inunnik isumaginninnermut tunngassuteqartuni naammagittaalliuuteqartarnermi pisariillisaasoqarnissaa inatsisitigullu isumannaatsuunerup qaffasinnerulernissaa, taamatuttaaq piffissat suliat suliarineqarnerinut atorneqartartut annikinnerulersinneqarnissaat.

Maannakkut siunnersuuteqarnermut tunuliaqutaapput Atuisoqarnermut Unammilleqatigiinnermullu Aqutsisoqarfiup Inunnik Isumaginninnermi Naammagittaalliuuteqartarfik suleqatigalugu misissuisimani arlallit taamatullu malittarisassanik maannakkut atuuttunik allaffissornikkut aqutsinnermit misilittakkat. Taamaaliortoqarnerani maannakkut naammagittaallioriaatsimi arlalinnik pissusissamisunnigitoqartoq paasineqarsimavoq, suliat suliarineqartarnerannut sivitsorsaataaqataasuik innuttaasullu inatsisitigut isumannaatsuunissaannik ajornerulersitsisunik.

Inatsisartut inatsisissaattut siunnersuummi tassani naammagittaallioriaaseq pisariinnerusoq innuttaasunut inatsisitigut isumaannerulersitsisoq siunnersuutigineqarpoq pingaarnertigut sisamaasutigut pilersinneqartussaq.

Inunnik Isumaginninnermi Naammagittaalliuuteqartarfimmut ilaasortaasut tallimaniit pingasunut ikilisinneqassasut imatullu allanngortitsisoqarluni, siulittaasoq naammagittaalliuuteqartarfiup pisortaatut atorfinitsillugu. Taamatut allanngortitsinikkut aalajangiiniartarnerit qaffasissumik suliamut tunngassuteqartarnissaannut periarfissaqalerpoq peqatigitillugulu sukkanerulerlutik pisariinnerulerlutillu innuttaasumut naammagittaalliuuteqartumut nuannaarutaasumik.

Naalackersuisut Inunnik Isumaginninnermi Naammagittaalliuuteqartarfiup allattoqarfiata suleriaasissai piginnaatitaaffiilu pillugit nalunaarummi malittarisassanik aalajangersaanissaannut piginnaatinneqarput. Qulaani taaneqartuni allannguutissatut siunnersuuteqarnikkut siunertaavoq Inunnik Isumaginninnermi Naammagittaalliuuteqartarfimmut allattoqarfiatalu suleriaasianut piginnaatitaaffiinullu tunngavissarititaasut atoruminarnerulernissaat.

Inunnik Isumaginninnermi Naammagittaalliuuteqartarfimmut suliassanngortinneqartut qanoq iluseqarnissaannik piumasagaatinik aalajangersaasinnaalernermit periarfissiinerup suliat suliarineqartarnerisa pisariinnerulersinneqarnissaat nutarteriffigineqarnissaallu inatsisissatut siunnersuutikkut siunertarineqarportaaq. Tamanna pingaartumik aallaqqaataaniit isumannaannerusumik paasissutissanik tunngaveqarnissamut iluaqutaassaaq.

Naalackersuisut taamatut oqaaseqarlutik siunnersuut Inatsisartunut akuersortumik suliarineqaqqullugu tunniuppaat.